

<b>Adroddiad i'r</b>	Pwyllgor Llywodraethu ac Archwilio
<b>Dyddiad y cyfarfod</b>	24 Tachwedd 2021
<b>Aelod Arweiniol / Swyddog</b>	Y Cyng. Julian Thompson-Hill / Lisa Lovegrove – Prif Archwilydd Mewnol
<b>Awdur yr adroddiad</b>	Lisa Lovegrove – Prif Archwilydd Mewnol
<b>Teitl</b>	Adolygiad Dilynol Archwilio Mewnol o Reoli Contractau

## 1. Am beth mae'r adroddiad yn sôn?

1.1. Mae'r adroddiad hwn yn rhoi'r wybodaeth ddiweddaraf am y cynnydd wrth weithredu'r cynllun gweithredu sy'n cyd-fynd â'r adroddiad Archwilio Mewnol ar Reoli Contractau. Cyflwynwyd yr adroddiad archwilio gwreiddiol i'r pwyllgor ym mis Gorffennaf 2020 a gofynnodd y pwyllgor am gynllun gweithredu diwygiedig i adlewyrchu newidiadau allweddol. Cafodd y cynllun diwygiedig ei gyflwyno i'r pwyllgor ym mis Ionawr 2021 a gofynnodd yr aelodau am adroddiad cynnydd pellach.

## 2. Beth yw'r rheswm dros lunio'r adroddiad hwn?

2.1. Bwriad yr adroddiad hwn yw darparu gwybodaeth am y ffordd y mae'r Cyngor wedi gwella'r trefniadau rheoli contractau ers cyhoeddi'r adroddiad Archwilio Mewnol a'r cynllun gweithredu diwygiedig. Rhoddodd yr adroddiad sicrwydd isel, felly gofynnodd y Pwyllgor Llywodraethu ac Archwilio am adroddiad cynnydd. Dyma'r ail adroddiad cynnydd.

## 3. Beth yw'r Argymhellion?

3.1. Bod y pwyllgor yn adolygu'r cynnydd wrth fynd i'r afael â chamau gweithredu'r archwiliad ac yn penderfynu a oes angen unrhyw adroddiad diweddarau pellach ynglŷn â chynnydd y cynllun gweithredu gwelliant.

## **4. Manylion yr adroddiad**

- 4.1. Rhoddodd ein hadolygiad o drefniadau rheoli contractau (adroddiad mis Ionawr 2020) sicrwydd isel. Ym mis Gorffennaf 2020, sylwodd y Pwyllgor Llywodraethu Corfforaethol ac Archwilio fod y cynllun gweithredu gwreiddiol yn cynnwys camau gweithredu nad oeddynt bellach yn ymarferol oherwydd bod Adolygiad o'r Gwasanaethau Cymorth Cymunedol wedi'i atal ar anterth pandemig Covid-19. Ym mis Ionawr 2021 cytunodd y Pwyllgor Llywodraethu Corfforaethol ac Archwilio ar gynllun gweithredu diwygiedig i ddarparu sicrwydd bod camau gweithredu addas wedi'u nodi i ailneilltuo camau gweithredu Adolygiad o'r Gwasanaethau Cymorth Corfforaethol (sydd wedi'i roi i un ochr am y tro oherwydd Covid-19) i swyddogion penodol. Cyflwynwyd yr adroddiad dilynol cyntaf i'r Pwyllgor Llywodraethu ac Archwilio ym mis Gorffennaf 2021, a oedd yn rhoi sicrwydd isel. Oherwydd hynny, gofynnodd yr aelodau am gamau dilynol pellach i fonitro'r cynnydd.
- 4.2. Mae'r ail adroddiad dilynol yn adolygu cynnydd y camau gweithredu yn unol â'r cynllun gweithredu diwygiedig (mae'r adroddiad llawn yn Atodiad 1). Mae cynnydd wedi'i wneud mewn sawl maes ers yr adroddiad dilynol cyntaf. Mae sefydlu Fforwm Rheoli Contractau a chymeradwyo adnoddau rheoli contractau pwrpasol yn welliannau sy'n derbyn croeso; fodd bynnag, mae angen rhagor o amser i roi'r rhain ar waith yn iawn. Nid yw profi a gweithredu'r fframwaith wedi'i gyflwyno i wasanaethau eto. O ganlyniad, nid yw nifer o gamau gweithredu a oedd yn cynnwys dyddiadau gweithredu uchelgeisiol wedi'u rhoi ar waith yn llawn. Mae'r camau allweddol sydd heb eu cymryd yn cynnwys: cynnal hyfforddiant ar gyflwyno a defnyddio'r fframwaith a defnyddio Proactis yn gyson i gofnodi a monitro.
- 4.3. Yn seiliedig ar y cynnydd sydd wedi'i wneud wrth weithredu'r camau cytunedig, rydym ni'n darparu sicrwydd 'isel'. Mae Archwilio Mewnol yn bwriadu cymryd camau dilynol pellach i adolygu'r cynnydd wrth gyflawni'r camau gweithredu sydd ar ôl.

## **5. Sut mae'r penderfyniad yn cyfrannu at y Blaenoriaethau Corfforaethol?**

- 5.1. Amherthnasol – nid oes angen gwneud unrhyw benderfyniad gyda'r adroddiad hwn.

## **6. Faint fydd hyn yn ei gostio a sut y bydd yn effeithio ar wasanaethau eraill?**

6.1. Amherthnasol – nid oes angen gwneud unrhyw benderfyniad gyda'r adroddiad hwn.

## **7. Beth yw prif gasgliadau'r Asesiad o'r Effaith ar Les?**

7.1. Amherthnasol – nid oes angen gwneud unrhyw benderfyniad gyda'r adroddiad hwn.

## **8. Pa ymgynghoriadau sydd wedi'u cynnal gyda Chraffu ac eraill?**

8.1. Amherthnasol – nid oes angen gwneud unrhyw benderfyniad gyda'r adroddiad hwn.

## **9. Datganiad y Prif Swyddog Cyllid**

9.1. Amherthnasol – nid oes angen gwneud unrhyw benderfyniad gyda'r adroddiad hwn.

## **10. Pa risgiau sydd ac a oes unrhyw beth y gallwn ei wneud i'w lleihau?**

10.1. Amherthnasol – nid oes angen gwneud unrhyw benderfyniad gyda'r adroddiad hwn.

## **11. Pŵer i wneud y penderfyniad**

11.1. Amherthnasol – nid oes angen gwneud unrhyw benderfyniad gyda'r adroddiad hwn.